

Broj: 01-04-2-317/2024

Sarajevo, 06.08.2024. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te člana 70. stav (3) Zakona o javnim nabavkama („Službeni glasnik BiH“, broj 39/14, 59/22 i 50/24), direktor Fonda za zaštitu okoliša Federacije BiH donosi sljedeću

ODLUKU

o izboru najpovoljnijeg ponuđača

I

Najpovoljnijem ponuđaču Hifa-Petrol d.o.o. Sarajevo, broj ponude: JN-3137/24 od 18.07.2024. godine, u postupku javne nabavke naftnih derivata i autoasortimana za službena vozila Fonda za zaštitu okoliša Federacije BiH, dodjeljuje se okvirni sporazum o nabavci naftnih derivata i autoasortimana za službena vozila Fonda za zaštitu okoliša Federacije BiH u iznosu od 21.370,25 KM bez PDV-a.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 01-04-2-297/2024 od 16.07.2024. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke bila je do 23.076,92 KM bez PDV-a.

Obavještenje o nabavci broj: 1382-7-1-35-3-35/24 objavljeno je na portalu javnih nabavki dana 17.07.2024. godine u 9:37 sati, dok je na osnovu člana 11. stav (1) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH“, broj 80/22), sažetak obavještenja objavljen dana 26.07.2024. godine pod brojem 51/24 u Službenom glasniku BiH – Oglasnik javne nabavke.

Tendersku dokumentaciju preuzelo je 9 (devet) ponuđača, dok su ponude u skladu sa provedenim postupkom javne nabavke dostavili sljedeći ponuđači:

R.br.	Broj protokola	Naziv ponuđača	Datum i sat prijema
1.	U-04-4134/2024	Hifa-Petrol d.o.o. Sarajevo	30.07.2024.g. u 10:16 sati
2.	U-04-4167/2024	Energopetrol d.d. Sarajevo	01.08.2024.g. u 9:15 sati

Krajnji rok za prijem ponuda bio je 01.08.2024. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-303/2024 od 22.07.2024. godine (u daljem tekstu: Komisija) pristupila je javnom otvaranju ponuda dana 01.08.2024. godine u 12:15 sati, te je konstatovala da su dostavljene ponude navedenih ponuđača blagovremene, o čemu je sačinila Zapisnik o otvaranju ponuda, te kopiju istog dostavila ponuđačima putem e-maila i faksa u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je nakon izvršenog pregleda i ocjene istih utvrdila da:

- ponuda ponuđača Hifa-Petrol d.o.o. Sarajevo, broj: JN-3137/24 od 18.07.2024. godine sa ponuđenom ukupnom cijenom u iznosu od 21.370,25 KM bez PDV-a sa uključenim popustom i operativnim troškom od 3,6 km ispunjava sve uslove propisane u tenderskoj dokumentaciji,
- ponuda ponuđača Energopetrol d.d. Sarajevo, broj: 013/40005531/24-07-24/1976 od 31.07.2024. godine sa ponuđenom ukupnom cijenom u iznosu od 23.718,09 KM bez PDV-a sa uključenim popustom i operativnim troškom od 0,45 km ne ispunjava sve uslove propisane u tenderskoj dokumentaciji.

Naime, Ugovorni organ je u tački 3.3.2. tenderske dokumentacije naznačio procijenjenu vrijednost nabavke u iznosu od 23.076,92 KM bez PDV-a. Obzirom da je ponuđač Energopetrol d.d. Sarajevo u svojoj ponudi ponudio cijenu predmeta nabavke u iznosu od 24.451,64 KM bez PDV-a bez popusta, odnosno 23.718,09 KM bez PDV-a sa uključenim popustom, Komisija je utvrdila da navedena cijena prelazi planirana, odnosno obezbijedena novčana sredstva Ugovornog organa za nabavku, te se ponuđač Energopetrol d.d. Sarajevo isključuje iz daljnjeg postupka javne nabavke iz razloga što je ponuda navedenog ponuđača neprihvatljiva.

Uzimajući u obzir pristigle prihvatljive ponude ponuđača prema kriteriju za izbor ponude, daje se sljedeći pregled:

R.br.	Naziv ponuđača	Cijena	Operativni trošak	Broj bodova	Rang
1.	Hifa-Petrol d.o.o. Sarajevo	21.370,25 KM bez PDV-a	3,6 km	100	1

Nakon provedenog postupka provjere kvalifikacije ponuđača, kao i pregleda i ocjene ponuda, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda od 01.08.2024. godine koji ujedno predstavlja i Izvještaj o radu Komisije, zajedno sa Preporukom za donošenje odluke o izboru najpovoljnijeg ponuđača od 01.08.2024. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača ekonomski najpovoljnija ponuda, kao najpovoljnija ponuda u predmetnom postupku javne nabavke smatra se ponuda ponuđača Hifa-Petrol d.o.o. Sarajevo, te se okvirni sporazum o nabavci naftnih derivata i autoasortimana za službena vozila Fonda za zaštitu okoliša Federacije BiH dodjeljuje ponuđaču Hifa-Petrol d.o.o. Sarajevo, broj ponude JN-3137/24 od 18.07.2024. godine sa ponuđenom ukupnom cijenom u iznosu od 21.370,25 KM bez PDV-a.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LJJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.

Fond za zaštitu okoliša
Federacije BiH



Sladjan Bevanda, direktor



Dostaviti:

- 2x ponuđačima
- 1x Sektoru za finansije
- 1x a/a